



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. VIII. Semi-Pelagianos non admisisse gratiæ interioris necessitatem
[et]c. confirmat Arauficanum.

urn:nbn:de:hbz:466:1-39351

404 LIBER QUINTUS
SECTIO VIII.

Semi-Pelagianos non admisisse necessitatem gratiae internae ad initium fidei assertim confirmant Canones Concilij Arausiacani.

Patres dicti Concilii praefantur: *Aliquos esse, qui de gratia & libero arbitrio minus cautè, & non secundum fidei regulam sentire velint. Contra quos sequentes condidère Canones.*

Canon 3. sic habet: *Si quis invocatione humana voluntatem nostram Deum expectare contendit, non etiam ut purgari velimus per Sancti Spiritus infusionem & operationem in nobis fieri, resistit ipsi Spiritui Sancto.*

Canon 5. *Qui enim dicunt fidem, quae in Deum credimus, esse naturalem, omnes eos, qui ab Ecclesia Christi alieni sunt, quodammodo fideles esse definiunt.*

Quod autem ita naturalem fidem crederent, ut gratiam ab ea submoverent, contra quos Concilium agit, sequens Canon elucidat.

Canon 6. *Si quis sine gratia Dei credentibus, volentibus, desiderantibus, conantibus, laborantibus, vigilantibus, studentibus, petentibus, pulsantibus nobis misericordiam dicit conferri divinitus, non autem ut credamus, velimus, vel haec omnia sicut oportet agere, per infusionem & inspirationem Sancti Spiritus in nobis fieri consistetur &c. Resistit Apostolo dicenti: Quid habes quod non accepisti? Ille verò, quem arguebat Apostolus, non de gratia Adamæ, sed de solâ naturâ velut ad credendum, petendum sat valida gloriabatur;*

DE PROPOSITIONE IV. 405

batur ; ergò & illi, quorum naturalem fidem Arausici Patres convellunt Apostolicò argumentò : *quid habes &c.* Rursùs in idem perurget

Canon 7. His verbis : *si quis PER NATURÆ VIGOREM bonum aliquod quod ad salutem pertinet vita aeternæ cogitare, ut expedit, aut eligere, sive salutare, id est, Evangelicæ prædicationi consentire posse confirmat, absquè illuminatione & inspiratione Spiritûs Sancti, qui dat omnibus suavitatem in consentiendo, & credendo hereticò fallitur Spiritu non intelligens vocem Dei in Evangelio dicentis: SINE ME NIHIL POTESTIS FACERE.*

Canon 19. Sic habet : *Natura humana etiam si in illâ integritate, in quâ est condita, permaneret, nullò modò seipsam Creatore suo non adjuvante, servaret. Undè cum sinè gratia Dei salutem non possit custodire quam accepit, quomodò sinè gratiâ Dei poterit reparare, quod perdidit?*

Canon 22. *Nemo de suo habet nisi mendacium & peccatum.*

Deniquè Bonifacius Papa in Epistolâ hujus Synodi confirmatoriâ apertè indicat Semi-Pelagianos gratiam internam fidei abjudicasse, his verbis ad Cæsarium Arelatensem Episcopum scribens : *Indicas enim quod aliqui Episcopi Galliarum, cum Cætera jam bona ex Dei acquieverint gratiâ provenire, FIDEM TANTUM, quâ in Christo credimus, naturæ ESSE VELINT, NON GRATIÆ, & omnibus ex Adam, quod dici nefas est, in libero arbitrio remansisse: non etiam nunc in singulis divina misericordia largitate conferri.*

Ex his liquidò fluit Semi-Pelagianos cum Pelagianis consensisse in his dogmatibus, primò per FIDEM NATURALEM, quam naturæ lapsæ adscripserunt. 2. Quia per NATURÆ VIGOREM aliquod bonum, quod ad salutem pertinet hominem lapsum cogitare potuisse dixerunt. 3. Quia SINE GRA-

406 . LIBER QUARTUS

TIA Dei credentes, volentes ac desiderantes bona facultaria constituerunt. 4. hominem posse sine gratiâ reparare quod perdidit, in quo plus naturæ lapsæ indulserunt quam Augustinus, & Patres Arausiaci naturæ stanti, de quâ dicunt: *Cum sine gratia salutem non possit custodire, quam accepit.* Alioquin possent hanc amoliri à se invidiam dicendo: homo non potest sine gratiâ Dei reparare quod perdidit, quia nec credere nec petere sine gratiâ prævalet.

CAPUT II.

De secundâ parte quartæ Iansenianæ itâ sonante: Et in hoc erant hæretici, quod vellent eam gratiam talem esse, cui posset humana voluntas resistere vel obtemperare.

GEmino ex capite Jansenius Semi-Pelagianos hæreticæ pravitatis infimulat: & quod in statu naturæ lapsæ ad credendum gratiam possibilitatis, qualem habuit Adam ad perseverandum, sufficere asseverarent; & quod talem gratiam admitterent, cui posset humana voluntas resistere vel obtemperare. Postremam hanc partem ferit Sedes Apostolica *ut hæreticam.* Utrumque caput, undè Semi-Pelagianos inculat, ex Jansenio stabilitum venio.



SEC